



SAKSFRAMLEGG

Sakshandsamar: Marianne Soleng	Arkivkode: FE - 033
Arkivsaksnr: 18/285	Løpenr: 18/3346
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Naturutvalet	17.04.2018	001/2018

Faste saker

17.04.2018 Naturutvalet:

Handsaming i møtet:

Innkalling og sakliste vart samrøystes godkjent.

Orientering frå ass.rådmann, Våge:

- Planstrategi for 2018-21 kjem opp som sak i kommunestyret den 26 april. Planstrategien er eit viktig styringsdokument for denne valperioden, som burde ha vore handsama av dei nye kommunestyrerepresentantane i første del av perioden. Formannskapet vedtok å sende oppstart av arbeidet til kommunestyret for handsaming.
- Reguleringsplan for ny veg til Hagabotnane vert sendt ut på anbod til 3 tilbydarar. Teknisk forvaltning har ikkje kapasitet til å gjennomføra dette arbeidet i løpet av hausten 2018.
- Kommunen har motteke varsel om søksmål i saka som gjeld overføring av driftsansvaret for Nyutløtrævegen og eigarskap for vassleidning i Krekavegen. Begge desse to saken gjeld privatrettslege spørsmål og er unntatt offentleg innsyn §§ 14 og 18.
- Kommunen har motteke søksmål for overprøving av dom i forliksrådet frå Rolvsvåg industrihavn. Denne er under vurdering i retten.

Orientering frå Teknisk sjef, Opheim:

- Forvaltninga arbeider med å få lagt fram parkeringsplan for offentleg parkering og regulering av desse. Planen kjem opp til førstegongs handsaming i neste naturutvalsmøte den 29 mai.
- Det er særskilt utfordring med ei forsøplingssak og oppfølging av denne. Vedkomande har fått fleire varsel og det har vore rydda, men forsøplinga har teke seg oppatt. Kommunen ser ikkje anna råd enn å sette iverk dagsbøter med heimel i PBL og forureiningslova. Anmelding vert og vurdert.

Planleggar Aandal gjekk igjennom og orienterte om ekspropriasjon etter PBL § 16.

Utvalet sitt kvarter:

Sture Tveit (H) bad om ei orientering om Børdalen.

Planleggar Aandal orienterte om at mottsegna mot Børdalen framleis ligg hos Fylkesmannen. Kommunen har purra på saka for å få den handsama og sendt ut med saklista til kommunestyret den 26 april, ev få det i tide til å legge det fram direkte i møtet. Både Statnett, BKK, NVE og landbruksmyndigheitene har uttalt at eit ev Datasenter ikkje kjem i konflikt med deira planar.

Anja Marken (MPD) orienterte utvalet om at dette var hennar siste utvalsmøte. Ho har fått traineestilling som arealplanleggar i Aurland kommune og kjem til å melde flytting. Me ønskjer henne lukke til.

NAT- 001/2018 Vedtak:

Innkalling og sakliste vart godkjent.

Protokoll frå førre møte vart godkjent.

Delegerte vedtak/referatsaker vert tekne til orientering.

Rådmannen sitt framlegg til vedtak:

- Møteinnkallinga og saklista vert godkjent.
- Delegerte vedtak/referatsaker vert tekne til orientering.

Oversikt over faste saker:

Godkjenning av innkalling og sakliste.

Eventuelle merknader til protokoll frå førre møte.

Delegerte vedtak/referatsaker.

Utvalet sitt kvarter.